

Éisd, a Íosa, ar n-aon-rann déag

[McKenna, L.: *Dánta do chum Aonghus Fionn Ó Dálaigh*, Dublin 1919, poem 34]

1 Éisd a [íosa] ar n-aon-rann déag  
lé saorfam an fíoch-sa fúd  
d'eagla gníomha m'anma ar n-éag  
créad acht damhna síodha súd.

2 Éisd [m'adhmad] a Rí na ríogh  
[dídean] ar n-anma madh ál  
ní hí an tuigse fhalla fhuar  
duid-se as dual damh-sa mo dhán.

3 Ag seo dheit roighne mo rúin  
a mheic as oighre don óigh  
ní bréagnuighthe a leinb mo laoidh  
[dom] cheird chaoin ghéag-shnuighthe ghlór.

4 Do ghéan duanaire dod dhán  
a ghéag as nua-ghlaine niamh  
ní meadh lile is gné dod ghruadh  
a uan Dé as ghile ná an grian.

5 Is tú oighre an Athar aird  
coimhdhe ní aghar ar t'fheirg  
rún mo chroidhe tar céill mbuirb  
do réir luirc do thoile teilg.

6 As do ghrásuibh dlighim dóigh  
['sgach] chánaigh dá ndlighe [dhínn]  
ní breath oilé as déanta dhúinn  
fa oilé i n-úir créachta an [chigh].

7 An chlí ler thai[dh]leas gach tnúth  
gé do ní m'aimhleas gan fháth  
fill a bheatha ar nach bí críoch  
t'fhíoch a Rí an bheatha sa bhráth.

8 Ó do baisdeadh mo chlí chuil  
nachar chaigil ní fa nimh  
ar fhás ar m'olcaibh ó shoin  
a ghloin na ngrás socraigh sin.

9 Ar eagla go bhfuighthí ar [bhfaill]  
mo cheana sul gcuirtí [i] suim  
id thig féin follamhnuigh inn  
a fhéil fhinn dhonn-abhraigh dhuinn.

10 Luadhail mo bhriathar le baos  
uabhar is iarraidh na nduas  
le Dia [gidh] cin-iomdha ar gcás  
[lia] grás an Tighiora thuas.

11 A Mhic Dé do chuaidh dar gcionn  
ag sin a Dhé duais mo rann  
tar nimh bhraon-fhras na mbear ndonn  
ronn re hAonghus an teagh thall.

12 A-tá an fhíréan róm a-rís  
[i] Mhíchéal as mhór mo sbéis  
acht go [bhfaghbhar] uaidh mo dhuais  
ba suaill [guais] m'anman dá éis. ÉISD